



Yamb nao-kadem a yiibã ka na n zêke, halt ti b wa tug n sok-a a vumã a sên sees-a zïig ningã, la a bãngrã, a sên tum bumb ning ne-a, la a arzekã, yaa ye la a paam-a la a kées-a-la yeeně, la a yïngã a sên kuıdg-a zïig ningã

Yii a Abu Barzat Al-aslamiy nengě (Wënd yard be a yïnga) a yeelame: Wënd Tën-tuum (Wënd puusg la A tıgr be a yïnga) a yeelame:- «Yamb nao-kadem a yiibã ka na n zêke, halt ti b wa tug n sok-a a vumã a sên sees-a zïig ningã, la a bãngrã, a sên tum bumb ning ne-a, la a arzekã, yaa ye la a paam-a la a kées-a-la yeeně, la a yïngã a sên kuıdg-a zïig ningã».

[Naşun Şahıhun (Gom-sikdem sên manege)] [A At-tirmiiziy n togs-a]

Nabiyaamã (Wënd puusg la A tıgr be a yïnga) kôta kibare, ti ad ned baa a yembr ka na n zék a naorã n gãndag tuumã geelg zïigě, dñni yıkr raare, n tug arzãnã maa Bugmė, halt ti b wa tug n sok-a yela: Rėenemã: yaa a vumã a sên sees-a la a sên maan-a bumb ning pugě. Yiib soabã: yaa a bãngrã, a bao-a-la Wënd yïng bu? La a tuma ne bãngrã bu? La a taasa bãngrã neb nins b sên somb n taasã bu? Tãab soabã: yaa a arzekã, yaa ye la a paam-a, a yaa halaal bu yaa haraam? Yaa ye la a kées-a? Yaa bumb ning sên yard Wënd bu yaa sên gėed-A? Naas soabã: Yaa a yïngã la a pãngã la a laaft wã la a rasãndlemã, a zar-b lame la a rık-b n tum bõe puga?

<https://sunnah.global/hadeeth/mos/show/4950>

